

রংয়েটে বঙ্গবন্ধু কর্ণার উদ্বোধন

নিজস্ব প্রতিবেদক, রাজশাহী ২৭ আগস্ট, ২০১৯ ০০:০০ | পড়া যাবে ২ মিনিটে

অ- অ অ+

রাজশাহী প্রকৌশল ও প্রযুক্তি বিশ্ববিদ্যালয়ে (রংয়েট) ‘বঙ্গবন্ধু কর্ণার’-এর উদ্বোধন করা হয়েছে। গতকাল সোমবার দুপুরে ফলক উন্মোচন ও ফিতা কেটে কেন্দ্রীয় লাইব্রেরি ভবনে স্থাপিত এই বঙ্গবন্ধু কর্ণারের উদ্বোধন করেন রাজশাহী সিটি করপোরেশনের মেয়র এ এইচ এম খায়রজ্জামান লিটন। এ সময় সংক্ষিপ্ত বক্তব্যে মেয়র খায়রজ্জামান লিটন বলেন, ‘রংয়েটে বঙ্গবন্ধু কর্ণার আয়োজনের সূচনা দেখেই বোঝা যাচ্ছে, আগামী দিনে এটি বড় আকার ধারণ করবে। এই বঙ্গবন্ধু কর্ণার থেকে শিক্ষক-শিক্ষার্থী, কর্মকর্তা-কর্মচারীসহ এখানে আগতরা বঙ্গবন্ধু সম্পর্কে অনেক কিছু জানতে পারবে। এই জানার মাধ্যমে অনেকের মধ্যে বঙ্গবন্ধুকে আরো গভীরভাবে জানার আগ্রহ সৃষ্টি হবে। এই উদ্যোগটি অত্যন্ত ভালো। উদ্যোগটি নেওয়ার জন্য রংয়েটের উপাচার্যসহ সংশ্লিষ্ট সবাইকে ধন্যবাদ জানাচ্ছি।’ উদ্বোধন অনুষ্ঠানে উপস্থিত ছিলেন রাজশাহী বিশ্ববিদ্যালয়ের সাবেক উপাচার্য প্রফেসর ড. সাইদুর রহমান খান, রাজশাহী মেডিক্যালের পরিচালক বিগেডিয়ার জেনারেল জামিলুর রহমান, রংয়েটের রেজিস্ট্রার প্রফেসর ড. সেলিম হোসেন, রাজশাহী মহানগর আওয়ামী লীগের সহসভাপতি অধ্যক্ষ শফিকুর রহমান বাদশা, বঙ্গবন্ধু পরিষদ রাজশাহী মহানগরের সাধারণ সম্পাদক কবি আরিফুল হক কুমার, বঙ্গবন্ধু কর্ণার স্থাপন কমিটির সভাপতি ও ছাত্রকল্যাণ পরিচালক প্রফেসর ড. রবিউল আওয়াল, মতিহার থানা আওয়ামী লীগের সভাপতি ডাক্তার আব্দুল মাজ্জান ও সাধারণ সম্পাদক মো. আলাউদ্দিন, রংয়েটের শিক্ষক সমিতির সাধারণ সম্পাদক প্রফেসর ড. শামীমুর রহমান, অফিসার সমিতির সভাপতি দিলীপ কুমার ঘোষ, বঙ্গবন্ধু কর্ণার স্থাপন কমিটির সদস্যসচিব ও অফিসার সমিতির সাধারণ সম্পাদক প্রকৌশলী মুফতি মাহমুদ রনি প্রমুখ।